



Ukiumoortumik nalunaarusiaq 2025

Det Psykiatriske Patientklagenævn i Grønland

Februar 2026

Imarisai

SIULEQUTSIUSSAQ	3
IMM. I: Tarnimikkut Nappatillit Maalaarutaannik Aalajangiisartut	4
1.1 Katitigaanerat	4
1.2 Piginnaatitaaffiit suliaassallu	4
1.3 Suliat aalajangiinerillu pillugit nassuiaat	5
IMM II: 2025 – Suliat amerlassusaat, immikkoortiternerat il.il.	5
Aalajangiisartut 2025-imi maalaarutini 14-inik tigusaqarput, taakkunannga ataaseq Kalaallit Nunaanni Eqqartuussivimmut suliaassanngortinneqarpoq.	5
IMM III: Tunngaviusumik ajornartorsiutit	6

SIULEQUTSIUSSAQ

Tarnikkut Nappaatillit Maalaarutaannik Aalajangiisartut (Aalajangiisartut) suleriaasissaat pillugu Namminersorlutik Oqartussat nalunaarutaat nr. 18, 24. april 2024-imeersoq § 14 naapertorlugu, Aalajangiisartut ukiut tamaasa suliatik pillugit nalunaarusiamik tamanut saqqummiussisassapput. Ukiumoortumik nalunaarusiaq Dronning Ingridip Napparsimmavissuani tarnimikkut nappaatilinnut immikkoortortaq suleqatigalugu suliarineqassaaq, taamaammallu Dronning Ingridip Napparsimmavissuani tarnimikkut nappaatilinnut immikkoortortamut saqqummiuteqqaarneqarsimalluni. Unammilligassat ukiumoortumik nalunaarusiami Aalajangiisartunit uparuarneqartut suliniutaajuarnarat, Dronning Ingridip Napparsimmavissuani tarnimikkut nappaatilinnut immikkoortortamit oqaatigineqarpoq.

Aalajangiisartut tarnimikkut nappaatillit pillugit inatsimmi § 46 naapertorlugu pilersinneqarput. Aalajangiisartut pinngitsaaliisummik unitsinneqarneq, pinngitsaaliisummik uninngatikkallarneqarneq, immikkoortortamit qimaasimanermi pinngitsaaliisummik utertitaaneq, pinngitsaaliisummik nakorsarneqarneq, angerlareernermi pinngitsaaliisummik malinnaavigineqarneq, pinngitsaaliisummik aalaakkerneqarneq, nukiit atorlugit pissaanermik atuineq, illersuiniarluni aalaakkiineq, nal. ak. 24 -it sinnerlugit immikkut nakkutigineqarneq kiisalu matunik parnaarsineq pillugit maalaarutit suliaassaraat.

Tarnimikkut nappaatillit pillugit inatsimmi § 46 naapertorlugu Aalajangiisartut eqqartuussissuserisumik siulittaasoqarput, Nunatsinni nakorsaaneq tarnimikkut nappaatillit qanigisaasullu peqatigiiffiannit sinniisoq ilaasortaallutittaaq.

Aalajangiisartut allatseqarnikkut Nunatsinni Nakorsaaneqarfimmit isumagineqarput.

IMM. I: Tarnimikkut Nappatillit Maalaarutaannik Aalajangiisartut

1.1 Katitigaanerat

Tarnimikkut Nappaatillit Maalaarutaannik Aalajangiisartut (Aalajangiisartut) siulittaasuat 2025-imi tassaavoq eqqartuussissuserisoq Kista Høegh Niclasen. Siulittaasumut sinniisussatut toqqagaavoq eqqartuussissuserisoq Charlotte Pedersen.

Tarnikkut nappaatillit qanigisaasullu peqatigiiffianni siulittaasoq Esekias Therkelsen 2025-imi Aalajangiisartuni ilaasortaavoq. 2025-imi Cecilie Marie Hardenberg Esekias Therkelsenimut sinniisussatut toqqagaavoq.

2025-imi Aalajangiisartunut allataaneq Flavia Lyberthimit Nunatsinni Nakorsaaneqarfimmeersumit isumagineqarpoq.

1.2 Piginnaatitaaffiit suliassallu

Aalajangiisartut maalaarutiniq pinngitsaaliissummik iliuuseqarnissamik aalajangernernut, aallaqqaasiummi nassuiarneqartunik, suliaqartarput.

Napparsimasut tarnikkut nappaatilinnut immikkoortortami uninngasut, qulaani pineqartut arlaannik pinngitsaaliineqartut maalaarutaat, Aalajangiisartut suliarisarpaat. Maalaarut, napparsimasup siunnersortaa aqqutigalugu Aalajangiisartunut nassiunneqartarpoq imal. allaganngorlugu oqaatsitigulluunniit napparsimmavimmi sulisunut apuunneqartarluni, sulisullu maalaarut suliamullu tunngatillugu allakkiat ilanngullugit (nakorsap uppersarsaataa, napparsimasoq pillugu allattugaatit, uninnermut tunngatillugu pappiaqqat, pinngitsaaliissummik iliuuseqarnernut nalunaarsuiffiit il.il.), maalaarut tiguneqarniariapat, ingerlateqqittarlugu.

Aalajangiisartut- ass. piginnaatitaaffimmik avataaniinnera pissutigalugu, maalaarut itigartissinnaavaat imal. suliarisinnaavaat. Aalajangiisartut maalaarummik aalajangiinerat pinngitsaaliissummik iliuuseqarnermik akuersinerusinnaavoq imal. eqqunngitsuuneraanerusinnaalluni. Pinngitsaaliissummik nakorsarneqarnissamik aalajangiineq maalaarutaappat, Aalajangiisartut aalajangiineq akuersinnaavaat itigartissinnaalluguluunniit.

Pinngitsaaliissummik nakorsartinneq pillugu maalaarutaappat aalajangiisoqartinnagu kinguartitassaq, Aalajangiisartut ulluinnaat arfineq marluk qaangiutsinnagit aalajangiissapput. Pinngitsaaliissummik iliuuseqarnerit allat pillugit maalaaruteqarnermi, Aalajangiisartut sapinngisamik piaarnerpaamik aalajangiissapput maalaarutillu Aalajangiisartunit tiguneqarneraniit ullut 14-it qaangiutsinnagit aalajangiisoqanngippat, Aalajangiisartut patsisaasumik qaqugulu aalajangiisoqarnissaata naatsorsuutigineqarneranik, napparsimasoq siunnersortaalu ilisimatissavaat.

Aalajangiisartut ataatsimiinneri Dronning Ingridip Napparsimmavissuani tarnikkut nappaatilinnut immikkoortortami ingerlanneqartarput. Ataatsimiinnissani nakorsaaneq, napparsimasoq, napparsimasup siunnersortaa kiisalu tarnikkut nappaatilinnut immikkoortortami sulisut allat naapertuuttut aggersarneqartarput. Aalajangiisartut ataatsimiinnerup naammassinerani suliaq pillugu aalajangiisarput, aalajangiinerullu suliami illuatungeriinnut, ataatsimiinnerup kingorna ulluinnaap ataatsip marlulluunniit qangiunneranni, nassiunneqarnissaa anguniagaasarluni, aalajangiinerli nutseqqaagassaasarmat ilaatigut nassiunniarneranut tamanna kinguarsaataasinnaasarpoq.

1.3 Suliat aalajangiinerillu pillugit nassuiaat

Suliaq, napparsimasup Aalajangiisartunut maalaarutaatut imal. maalaarutitut, ataatsimiinnermi aalajangersimasumi suliarineqartutut, nassuiarneqarpoq. Maalaarut qassinilluunniit immikkoortoqaraluarpat ataatsimoortutut nassuiarneqarpoq. Napparsimasoq taanna kingusinnerusukkut pinngitsaaliisummik iliuuseqarfigineqarneq pillugu nutaamik maalaaruteqarpat, taanna suliatut nutaatut isigineqassaaq.

Aalajangiineq akuersinertut itigartitsinertulluunniit nassuiarneqarpoq. Nassuiaat taanna suliap aalajangiinernik arlalinnik imaqaarsinnaanerani isumaqarpoq. Aalajangiisartut ass. pinngitsaaliisummik iliuuseqarnernik assigiiaanik arlalinnik, ass. pingasoriarluni pinngitsaaliisummik aalaakkiinernut tunngatillugu aalajangiippata, naatsorsueqqissaarnermi taakku aalajangiinertut pingasutut nalilerneqassapput. Taamatuttaaq aalajangiineq ass. pinngitsaaliisummik uninngatitsigallarnermik akuersinermik itigartitsinermillu ass. tamatuma attatiinnarnissaanik imaqarpat, taakku naatsorsueqqissaarnermi aalajangiinertut marluttut naatsorsorneqassapput.

IMM II: 2025 – Suliat amerlassusaat, immikkoortiternerat il.il.

Aalajangiisartut 2025-imi maalaarutini 14-inik tigusaqarput, taakkunannga ataaseq Kalaallit Nunaanni Eqqartuussivimmut suliasannngortinneqarpoq.

Maalaarutit marluk, ataaseq napparsimasup siunnersortaa aqqutigalugu aappaalu Aalajangiisartut napparsimasoq peqatigalugu ataatsimiinnerini utertinneqarmata, naatsorsueqqissaarnermi ilanngunneqanngillat.

Aalajangiisartut agguaqatigiissillugu sulianik ingerlatsinermut piffissaq atortagaat 2025-imi ullunik 7,58-inik sivisussuseqarpoq. Sulianik ingerlatsinermi piffissap atorneqartartup, suliap Aalajangiisartunit tiguneqarneraniit aalajangikkap napparsimasumut nassiuuneqarnissaata tungaanut naatsorsorneqartarnera, oqaatigineqassaaq. Taamaalilluni suliamik ingerlatsinermi napparsimasup maalaarutaata tigungeraniit paasissutissat allakkiallu naapertuuttut Aalajangiisartunit pissarsiarineqarnissaasa tungaanut- piffissaq ilaavortaaq. Taamatuttaaq suliamik ingerlatsinermi arfininngornerit, sapaatit nalliuttullu piffissamik atuinermut ilaapput.

2025-imi maalaarutit sisamat pinngitsaaliisummik nakorsartinnissamut tunngasut, Aalajangiisartut aalajangiinissaasa tungaanut kinguartinneqartut tiguneqarput.

Aalajangiisartut sulianik ingerlatsineranni maleruagassat pingaarnersaat tassaavoq Aalajangiisartut ataatsimiinnerisa Dronning Ingridip Napparsimmavissuani tarnikkut nappaatilinnut immikkoortortami ingerlanneqartarnerat. Taamaalillutik 2025-imi suliani 14-ini 13-it tarnikkut nappaatilinnut immikkoortortami ataatsimiissutaapput.

Suliamut atatillugu ataatsimiinnermi Aalajangiisartut aalajangiivigisaanni, nakorsaq, napparsimasoq napparsimasumullu siunnersorti ilaasimanersut, immikkut allassimasarpoq.

2025-imi ataatsimiinnermi aqqaneq marlunni aqqanilinni napparsimasoq peqataavoq. Ataatsimiinnermili ataatsimi napparsimasoq televideokkut peqataalluni. Suliami ataatsimi napparsimasoq peqataarusunngilaq. Suliani tamani nakorsaaneq napparsimasumut akisussaasoq peqataasarpoq. Suliani aqqanilinni napparsimasup siunnersortaa peqataavoq.

2025-imi aalajangiivigisat pinngitsaaliisummik iliuuserisanut ataasiakkaanut agguataarneqarnerat	
Pinngitsaaliisummik unitsitaasut	3
Pinngitsaaliisummik uninngatinneqarallartut	4
Pinngitsaaliisummik aalakkerneqartut	2
Matunik parnaarsineq	0
Eqqissisaatinik nakorsarneqartut	1
Pinngitsaaliisummik nakorsarneqartut	6
Aalajangiivigisat katillugit	16

Aalajangiinerni aqqaneq marlunni pinngitsaaliisummik iliuuserisaq Aalajangiisartut akueraat.

Tamatuma saniatigut Aalajangiisartut suliani sisamani, uninnermut atatillugu allattugaatinut nalunaarsuinnermut unitsitaanermullu atatillugu pappiaqqanik misissuinnermi pinngitsaaliisummillu iliuuseqarnernut nalunaarsuiffinnik immersuinnermi peqqissaarneroqqusipput. Aalajangiisartut suliami ataatsimi nakorsaannerup allagai nakorsamit sammisamik aalajangersimasumik ilinniartumit suliarineqarlutillu atsiorneqarsimmata amigaateqarnerarlugit isornartorsiupput. Naggataagut Aalajangiisartut arlaleriarluni napparsimasup maalaaruteqarneraniit maalaarutip Aalajangiisartunut nassiunneqarnissaata tungaanut piffissap sivisuallaartarnera uparuarpaat.

Tarnikkut Nappaatillit Maalaarutaannik Aalajangiisartut, napparsimasup siunnersortaataluunniit qinnutigippagu, pinngitsaaliisummik unitsinneqarneq, pinngitsaaliisummik uninngatikallarneqarneq, immikkoortortamit qimaasimanermi pinngitsaaliisummik utertitaaneq, pinngitsaaliisummik nakorsartinneq, § 19 naapertorlugu napparsimmavimmiit angerlareernermi pinngitsaaliisummik malitseqartitsineq, pinngitsaaliisummik aalaakkiineq, pinngitsaaliisummik nukiit atorlugit pissaanermik atuineq, illersuiniarluni aalaakkiineq, immikkut nakkutigineqarneq nal. ak. 24 ini attatiinnaarneqartoq kiisalu immikkoortortami matunik parnaarsinnermut tunngatillugu aalajangiinertik, Kalaallit Nunaanni eqqartuussisarneq pillugu inatsimmi kapitali 28-mi maleruagassat naapertorlugit eqqartuussivimmut suliassanngorlugu tunniussinnaavaat.

2025-imi Aalajangiisartut aalajangigaat ataaseq malaarutigineqarpoq. Pineqartup eqqartuussissuserisuatut toqqagaq isumasioqatigalugu Kalaallit Nunaanni Eqqartuussivimmit aalajangiivigineqartinnagu atorunnaarsinneqarpoq.

IMM III: Tunngaviusumik ajornartorsiutit

Tarnikkut nappaatillit Maalaarutaannik Aalajangiisartut 2025-imi suliaat nakorsaannerup napparsimasup angerlartinneqareernerup kingorna pinngitsaaliisummik malittarineqarnissaanik, tamatumalu peqatigisaanik, angerlartinneqareernermi pinngitsaaliisummik malittarineqarnissaanik aalajangernerup nalaani, napparsimasup angerlartinnissaata illersorneqarsinnaanngitsut naliliivigineqarnera pillugu aalajangerneranut tunngatillugu, apeqqut tunngavisoq ataaseq oqaluuserineqartariaqalerlunilu suliarineqartariaqalerpoq. Tamanna tunngavigalugu angerlartitaareernermi pinngitsaaliisummik malittarineqarnissamut piumasaqaatit equutsinneqareersut Aalajangiisartut naliliipput.

Immikkoortortami ilinniagaqassutsikkut unammilligassat annertuut iliuuseqarfiginissaannut suliaasanullu tarnikkut nappaatillit pillugit inatsimmut attuumassutilinnut ilinniarsimasunik pisarialinnik atorfinitsitsiniarnermut atatillugu, annertoqisunik unammilligassaqarnera, taamaalillutillu akuttunngitsunik taartaasartunit tamakkiisumik piginnaaneqanngitsunit isumagineqartarnerat, Aalajangiisartunit maluginiarneqarluni.